



KEMENTERIAN KESIHATAN MALAYSIA

KENYATAAN MEDIA

KEMENTERIAN KESIHATAN MALAYSIA

1 JUTA PENERIMA MANFAAT PEKA B40 TELAH DISARING

14 JULAI 2023

Selari dengan Agenda Nasional Malaysia Sihat (ANMS) yang menggalakkan saringan kesihatan di kalangan penduduk, sehingga 6 Julai 2023, sejumlah 1,000,000 penerima PeKa B40 yang layak telah menjalani saringan penyakit tidak berjangkit (NCD) di bawah Skim Peduli Kesihatan untuk Kumpulan B40 (PeKa B40).

Sejak dilancarkan pada April 2019, PeKa B40 telah memberi manfaat kepada 1,000,000 orang di bawah Kumpulan B40 melalui saringan kesihatan percuma untuk pengesanan awal NCD dan faktor risikonya seperti kencing manis (Diabetes Mellitus), tekanan darah tinggi (Hypertension), paras kolesterol tinggi dalam darah (Hypercholesterolemia), obesiti, kemurungan (Depression), kerisauan (Anxiety), dan kanser. Sekitar 400,000 (40%) daripada mereka telah mengetahui berkenaan penyakit senyap ini dan telah dirujuk untuk rawatan selanjutnya bagi mencegah mereka daripada mengalami komplikasi serius.

Skim di bawah Kementerian Kesihatan Malaysia (KKM) ini menawarkan empat manfaat kepada penerima manfaat yang layak.

Manfaat 1: Saringan kesihatan percuma di klinik swasta yg berdaftar untuk program PEKA B40 dan di klinik kesihatan Kementerian Kesihatan Malaysia.

Manfaat 2: Bantuan Kesihatan yang merupakan 10 kategori peralatan perubatan percuma sehingga RM 20,000.00 seperti stent jantung, kanta intra-okular, dan implan sendi tiruan, sepanjang hayat mereka.

Manfaat 3: Insentif Penyelesaian Rawatan Kanser, insentif tunai RM 1000.00 dan

Manfaat 4: Insentif Pengangkutan iaitu kos pengangkutan bernilai RM 500.00 (Semenanjung Malaysia) atau RM 1,000.00 (Sabah & Sarawak) semasa menerima rawatan perubatan untuk Manfaat 2 & 3.

Sehingga hari ini, lebih daripada 50,000 penerima manfaat PeKa B40 telah menerima 60,000 Bantuan Kesihatan (Peralatan Kesihatan percuma) bernilai RM 110,000,000.00 sejak Skim ini diperkenalkan. Sejumlah 7,000 penerima manfaat PeKa B40 juga telah menerima Insentif Penyelesaian Rawatan Kanser dan 12,000 telah menerima Insentif Pengangkutan.

KKM, berterima kasih kepada 3,100 Klinik GP, 990 Klinik Kesihatan, 170 Makmal Swasta, dan 140 Hospital KKM atas sokongan berterusan mereka terhadap program ini dalam memberi manfaat khususnya kepada kumpulan B40.

KKM juga ingin menggalakkan 5.7 juta penerima yang layak dan belum mendapatkan manfaat PeKa B40 untuk hadir ke salah satu daripada mana-mana 4,000 Klinik GP atau Klinik Kesihatan terdekat di seluruh negara, bagi menjalani saringan, memahami status kesihatan dan mendapatkan nasihat profesional daripada doktor tentang cara menjaga dan meningkatkan gaya hidup sihat.

DR ZALIHA MUSTAFA
MENTERI KESIHATAN MALAYSIA
14 JULAI 2023